

panchymagoga, holagogia variorum autorum recepta & vulga-
ta sunt. Nos etiam hic a simplicibus ad composita, a notis ad
ignota facilem dedimus viam. Valent rāmen & prosunt etiam
composita talia, quatenus intellectum diffusum ad certum reme-
diū dirigunt, quæ vero distinctius commendantur noscuntur
& usurpantur, ea etiam certius hinc iuant.

LIBRI II. SECTIO I. CAPVT VII.

De

Purgantibus aliis.

Quo autem magis pateat hæc ipsa purgantium agendi vis
& electionis doctrina, quæ a quibus purgentur, id regu-
lis paucis complexi sumus.

1. *Resolubilia purgantia magis opacarum seu seriduca;* illo ex-
perimento, quod hoc pacto & seri coagulum magis liquet,
& aqueis ipsis menstruis hæc sulphura magis pandantur, prom-
pte admissa. Par ratio est melanagogorum quorundam, hellebo-
ri ipsius &c. Ponamus igitur corpus esse serosius, commodius
agent hæc ipsa, quia prompte solvantur, solutæ vero optime
agunt resinx.

2. *Magis resinosa magis cholagoga;* itidem per mechani-
cam. Ut enim per vitellum oui v. g. vel alia eiusmodi unctuo-
sa resinam scammonii optime liquabilem reddimus, ut & tere-
binthinam h. m. in colostrum abre diximus; ita bilis in corpo-
re tale vitellinum corpus simulatur, cuius concursu magis cum
sero combinatur resoluta resina, adeoque in actum deducitur.
Serum vero in omni purgatione actuanda, tanquam menstruum
vniuersale, requiritur; Posito ergo corpus esse biliosum, non
deficiente omni sero, hæc ipsa optime bilem educunt.

3. *Quæ resinam habent diffusam, vel partibus gummeis im-
plexam, magis sunt catholica,* in utrumque enim humorem in-
gressum inueniunt,

4. *Lenientia vero nec serum, nec bilem eque educunt, sed aliud
salecum scyphala promouent ad exicum.* Hoc illi notare debent ægri,
quæ

qui pilulis aloeticis adfueri putant iis iam sufficienter se defungi posse, nec opus habere purgante medicamento electivo. Vti se aiunt pilulis Francof. &c. a quibus moueantur. Vbi igitur in sero vel bile vitium haeret, haec ipsa primis viis saltem debita longe sunt debiliora, quam ut rem omnem absoluant, praterquam in tenerioribus quibusdam, qui alii laeduntur.

Pertinent etiam huc alia, quae effectu cum purgantibus convenient, tum vniuoco, & semper vel ut plurimum tali, tum æquivoco, seu per accidens tali. Illorum exempla præbent *acidula* & *therme*, remedia catholica, siquidem & omnes quasi purgant humores, & per omnes excretionum vias, non saltem per alvum, sed vrinam ac sudores quoque; remedia vero empirica quoque sepe, ad quæ mittuntur ægri non semper consulta opera, sed coniecturali quandoque, in primis non examinatis per medicum circumstantiis, si proprio ausu & fortuna ægri ad ea concedant.

Habent omnia acidula & thermæ suos insignes usus, tum medicos absolute, tum medico-politicos. Medicos quidem, quatenus aquæ sunt medicatae, principiis actiuis feti. De thermis superius egimus & earundem elementa ad vnguem, quasi recensuimus, unde hac vice saltem dicimus, purgare easdem, & quicquid agunt, agere ob fal alcalicum, seu natuum, seu ignis subterranei calcinatione in terra productum, cum aqueis particulis dilutum, unde abstergendo purgant & in morbis acidis profundunt, eorumque sunt remedium; alcalinis nocent. Sit v. g. æger scorbuto frigido laborans, incipiente cachexia, laxitate viscerum, cœsi humorum, acore prædominante, neruis ab humore frigido, ab acido, contractis & male habentibus, præsto sunt excicandi & alterandi, quin & purgandi virtute thermæ. Ast vti laxis, humidis, ichorescentibus malis & subiectis similibus profundunt; ita siccioribus & scorbuto calido laborantibus nocent, quin sepe impingunt hinc magis partibus materiam tartaream, & ex hospite incolam faciunt. Haec ut summatim de thermis affirimus; ita certum est de acidulis, per experimenta varia nota, odore, sapore & effe.

effectibus aliis, in primis quod cum gallis pulueratis mixte in momento quasi atramentum exhibeant, & feces nigricantes reddant, quicquid agunt, agere in primis ob sal acidum, vitriolicum, martiale, copioso aquo dilutum. Hinc acidula sunt remedium morborum alcalinorum scorbuti calidi v. g. in laxitate & ~~fluxione~~ viscerum, in fiscioribus, ita ut, quibus nocent thermæ, iis profint acidula hoc sensu, & vice versa. Peccant tamen facile in utrisque ægris & excessus hinc etiam in effectu sentiunt, sic ut thermæ usque violento illo calore & sale deterius exiccentur nimis, indeque peius potius habeant, sero blando diluente absumpto, contracturis vel factis vel auctis, quam auxilium speratum reportent, quod saepius vidimus. Adeoque serum nimis absument fere thermæ, & contra ea serum nimis adaugent acidula, facile inde intumescentibus pedibus & ventre, unde medium tenuere beati, si que ita usurpentur utraque: ut non excedatur, moderamime medico optime sanitati profuerint. In utrisque purgandi vis eminent, & ob heterogeneitatem & sal deterius ac fermentatium, diuerso licet usus.

Medico-politico vero usum non minus commendandæ sunt aquæ haæ medicæ, quatenus saepè immorigeri ægris in adhibendis medicamentis, in obseruanda dieta, hoc ipso strategemate rediguntur ad frugem, quatenus dieta tenuis & strictior, recepta vniuersali obseruantia locorum istorum, quo multi magno morbi curantur, his ipsis imperatur & impetratur ægris; quatenus copioso diluente salia effera temperantur & educuntur e corpore, nauseantibus alias ad ampullas & potiones largiores, saepè tamen necessarias ægris; quatenus mutatio aeris, victus, loci multum ad sanitatem confert, unde in epilepsia & aliis morbis chronicis ac rebellibus haec a Cœo præcipiuntur.

Nouimus huius rei aliquot exempla, v.g. epilepsiam tum in aliis, tum in nobili virgine alias minus perfecte curabilem, mutatione loci conquiruisse magis. Ut taceam, animum a seriis abstractum novitate loci, conuersatione variorū peregrinorum aliisq; componi & demulceri, quod ipsum quoq; ad sanitatem non min-

imum

mum confert; nec dicam, aliquid etiam consuetudinem & communem omnium quasi hominum hypothesin conferre, cum domini alias balneum formicarum & neruinum exterius, interius vero alcalia idem s^ep^te pr^astare qu^ant ac therm^e; cum acidulæ artificiales, R^a & s^uus f^liales, modo cetera sint paria, æquare acidulas possint. Quo ipso tamen laude sua non defraudabimus diuina hæc remedia.

Et acidulas quidem artificiales vitriolum vel sulphur resolutum in stigma acidam & & te alteratum præbent, ut cum Glo. &is alteratus, facta solutione facile hinc diluendus, vt alia non memoremus. Sic & chrysos tñi patus eas optime exprimit, modo non sulphur minus bdiræ notæ subamaricantem & nausea-bundam ipsi affricuerit qualitatem, vnde consultius est ♀ stillatium purius, vel crystallinum, statim suum, arenarium ad pium & O recipere. Laxant hæc aluum, vnaque vias sudoris & urinæ expediunt; neque absurdum est, acid a hæc irritativa virtute gaudere & purgare aluum. Laxant & Osa qualibet sicca, in æqualibus suis salinis particulis, licet sensui potius æquales offerant.

Horum vero quæ effectu æquiuoco, saltim respectiue, purgantia æmulatur, itidem nonnulla in praxi occurunt. Sic purgat quandoque cinnabaris nativa, non minus ac salivationem etiam citat aliquando. Hanc efficit, si continuetur eius usus in tenerioribus, ratione partium mercurialium, serum potenter fudentium. Purgat vero ratione itidem salis mercurialis sulphurei, humoribus ad motum citatis ob *isotonyx regias*, a fermento ventriculi resolutione facta.

Adeoque acidum sal concurrenit ad purgantium vim; quod exemplo gialapæ & aliorum supra diximus, attamen acidum, quæ tale, non purgat, nec effectus hic acido adscribi meretur, cum cinnabaris & fulph. commune habeant v. g. in se sal acidum, effectus tamen edant acido contrarios, intus v. g. ulceribus &c.

Purgatio etiam fit a resoluentibus, stimulum inde nanciente natura, quæ actuat medicamenta pro humorum dispositione & suo modulo. Pulvis absorbens ordinarie vomitus non mouet, neq; enim gr. j. ℥l. & is ad vomendum sufficit, sed quando lipothymiae pracordiales ob acidum vel biliosum degradantur patiens instant,

cum pallore & frigore extremorū, vidimus inde secutum vomitū nonnunquam summo cum successu. Fēmina pallens hoc modo & vertiginem patiens subitaneam, data vñica dosi pulueris absorbentis, vomitu sequente curabatur; ordinarie vero citra vñum vomitū lipothymias certissime curat. Mittebamus aliquando hunc ipsum puluerem pro matronal aulica, ad ἐκλύσεις præcordiales pronissima; medicus metuit eundem nominatum ipsi quid esset dare, quod vomitū citare posset. Malo vero non cessante ipsi accedentes statim propinavimus illum ipsum, breui sequenti effectu meliori. Potest vero fieri aliquando citra Glum & tis quoq; A pulueribus pleuriticis & quasi talibus alui fluxus fieri potest, quando ab alcalinis consistentes & quieti humores in motum citantur, & natura, qua visum fuerit commodius, via expurgat eosdem.

Quod autem a pulueribus bezoardicis quandoque alui fluxus secutus est, id omne per accidens fit, sunt enim ni pulueres adstringentes sere simul, vel roborantes; siquē illa diarrhoea potius a feroore & vredine acri biliosi exuperantis humoris, futura etiam magis citra bezoardica. Adeoque & hic attendendum est, an dato talicius a medicamento, an mere per accidens id euenerit, idque in bonum & malum.

Neque de venenis corrosiis opus est plura addere, illa quippe sunt deleteria. Tale vero exemplum ante aliquot annos euениisse nouimus, vbi per errorem ministri medici loco purgantis propinatus fuerat, breui sequente morte cum summa diarrhoea & torminibus.

Illud coronidis loco addendum est, ab opiatis, maxime pilulari forma & dosi integra maiori datis, tum vomitū sequi saepe mane sequente, tum in quibusdam altii fluxum seu diarrhoeam. Visum id fuit nonnunquam in phthisicis, quorum intestina tenuiora erant, & glandulae intestinales obstructæ, vnde ut nec chylus inuenit aditum, ita nec medicamenta prompte, consequente hinc facilis fibrarum neruearum irritatione, bile in primis, ut sit, una concurrente & fermentante.

Quod purgantia alterantibus interdum addita ipsorum vim & efficaciam augent, alibi iam dictum abunde est. Ipsa etiam vt & vomitoria, exuta illa sua vi. cathartica optima evadunt, tum alterantia, tum diaphoretica.

LIBRI